

odraslih u zemlji, kao i u cilju dogovaranja i poduzimanja zajedničkih mjera i aktivnosti domaćih organa na unapređenju politika i praksi obrazovanja odraslih, odgovarajući podaci i informacije o stanju i u vezi sa obrazovanjem odraslih se dostavljaju i objedinjuju na nivou Ministarstva civilnih poslova Bosne i Hercegovine, u skladu sa dogovorenim sistemom koordinacije."

Član 10.

(Dopuna člana 26.)

U članu 26. u stavu (6) iza riječi: "produžava kroz proces re-akreditacije" dodaju se riječi: "svakih pet godina".

Član 11.

(Izmjena člana 31.)

U članu 31. u stavu (1) riječi: "koji donosi Ministarstvo" zamjenjuju se riječima: "na koji Ministarstvo daje saglasnost".

Član 12.

(Izmjena člana 35.)

Član 35. se mijenja i glasi:

"Član 35.

(Programi formalnog obrazovanja odraslih)

Programi formalnog obrazovanja odraslih obuhvataju:

- a) osnovno obrazovanje odraslih;
- b) programe za sticanje srednje stručne spreme izuzev gimnazije;
- c) programe za sticanje prvog zanimanja;
- d) programe prekvalifikacije;
- e) programe dokvalifikacije."

Član 13.

(Dopuna člana 36.)

(1) U članu 36. stav (1) u tački d) briše se veznik "i", a iza tačke d) dodaje se nova tačka e) koja glasi: "e) online nastavu i"

(2) Dosadašnja tačka e) postaje tačka f).

Član 14.

(Izmjena člana 37.)

(1) U članu 37. u stavu (1) tačka b), briše se.

(2) Dosadašnje tač. c), d), e), f), h), i), j), k), l), m) i n), o) postaju tač. b), c), d), e), f), h), i), j), k), l), m) i n).

Član 15.

(Dopuna člana 44.)

U članu 44. iza stava (6) dodaje se novi stav (7) koji glasi:

"(7) Ministarstvo osigurava sistemski rješenja i institucionalni okvir za njihovo andragoško-metodičko-didaktičko osposobljavanje i usavršavanje, kao i za profesionalno napredovanje."

Član 16.

(Dopuna člana 45.)

(1) U članu 45. u stavu (4) iza riječi: "u skladu sa ovim zakonom" dodaju se riječi: "i stiču se kroz sistem formalnog obrazovanja".

(2) Stav (5), briše se.

Član 17.

(Dopuna člana 46.)

U članu 46. u stavu (1) iza riječi: "i uvjete za njihovo dostizanje" dodaju se riječi: " , a stiču se formalnim i neformalnim obrazovanjem te informalnim učenjem".

Član 18.

(Izmjena člana 50.)

(1) U članu 50. stav (4) mijenja se i glasi:

"(4) Javno važeće neformalno obrazovanje odraslih se provodi, prema iskazanoj potrebi, tokom cijele godine u skladu sa Programom obrazovanja odraslih i ovim zakonom."

(2) Iza stava (4), dodaje se novi stav (5), koji glasi:

"(5) Period trajanja ovog oblika neformalnog obrazovanja utvrđuje se nastavnim planom i programom organizatora obrazovanja odraslih".

Član 19.

(Dopuna člana 58.)

U članu 58. u stavu (2) iza riječi: "sredstava poslodavaca," dodaju se riječi: "sredstava jedinica lokalne samouprave;"

Član 20.

(Dopuna člana 62.)

U članu 62. u stavu (2) iza riječi: "koji provode formalno obrazovanje," dodaju se riječi: "iz člana 9. st. (4) i (6), ovog zakona".

Član 21.

(Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-37643/20

28. septembra 2020. godine
Sarajevo

Predsjedavajući

Skupštine Kantona Sarajevo
Dr. **Mirza Čelik**, s. r.

Na osnovu čl. 18. tač. b) i k), 29. stav (1) tačka e) i 38. stav (1) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17), čl. 40. stav (5) i 41. Zakona o dugu, zaduživanju i garancijama u Federaciji BiH ("Službene novine Federacije BiH", br. 86/07, 24/09, 44/10 i 30/16) i Poglavlja II tač. 11. i 12. Procedura zaduživanja Kantona Sarajevo na osnovu unutrašnjeg i vanjskog duga i izdavanja garancija ("Službene novine Kantona Sarajevo", br. 10/11 i 07/19), Skupština Kantona Sarajevo na sjednici, održanoj dana 28.09.2020. godine, donijela je

ODLUKU

O PRIHVATANJU ZADUŽENJA PO SPORAZUMU O ZAJMU IZMEĐU BOSNE I HERCEGOVINE I MEĐUNARODNE BANKE ZA OBNOVU I RAZVOJ (IBRD) ZA REALIZACIJU PROJEKTA "ENERGETSKE EFIKASNOSTI - DODATNO FINANSIRANJE"

I

Prihvata se zaduženje Kantona Sarajevo (u daljem tekstu: Kanton) po osnovu Sporazuma o zajmu između Bosne i Hercegovine i Međunarodne banke za obnovu i razvoj (u daljem tekstu: IBRD) za realizaciju Projekta "Energetske efikasnosti - dodatno finansiranje" (u daljem tekstu: Projekat), u ukupnom iznosu od 1.292.750,51 EUR sa PDV-om (2.528.400,23 KM sa PDV-om).

II

Sredstva zajma po Sporazumu iz tačke I ove odluke namijenjena su za finansiranje unaprijeđenja energetske efikasnosti na javnim objektima iz nadležnosti Ministarstva zdravlja Kantona Sarajevo, a nalaze se na Listi objekata koju je usvojio Upravni odbor projekta za Federacije BiH, i to:

- UKCS Klinika za urgentnu medicinu, iznos sa PDV-om 986.083,77 EUR (1.928.612,23 KM)
- UKCS Klinika za fizikalnu medicinu i rehabilitaciju, iznos sa PDV-om 306.666,73 EUR (599.778,00 KM)

III

Sredstva zajma iz tačke I ove odluke prihvataju se u formi vanjskog indirektnog duga, pod sljedećim uslovima:

- iznos zajma 1.292.750,51 EUR
 - rok otplate 10 godina
 - grace period 2 godine (uključen u rok otplate)
 - kamatna stopa šestomjesečni EURIBOR + 1,25% godišnje
 - dospjeća polugodišnje, u jednakim otplatama glavnice (na dan 15. maj i 15. novembar)
 - jednokratna provizija 0,25% na iznos zajma
- Iznos provizije na raspoloživa, a neisplaćena sredstva će biti 0,25% godišnje.

IV

Potvrđuje se da je razmatrana dokumentacija prihvatljiva za Kanton:

- Zapisnik s pregovora
- Sporazum o zajmu između Bosne i Hercegovine i IBRD-a
- Supsidijarni sporazum između Federacije BiH i IBRD
- Projektni sporazum između Federacije BiH i IBRD-a

V

Sredstva zajma iz tačke I ove odluke, Federacija BiH će posebnim podugovorom prenijeti na Kanton.

Navedenim podugovorom Federacija BiH će prenijeti prava i obaveze na Kanton prema uslovima za zaduženje kantona definisanim aktom Federalnog ministarstva finansija/finansija broj 08-41-1-2174/20 JČ od 16.03.2020. godine.

VI

Daje se saglasnost za zaključenje podugovora o zajmu po Projektu iz tačke I ove odluke između Federacije BiH i Kantona, za zajam iz tačke I ove odluke.

Daje se ovlaštenje premijeru Vlade Kantona Sarajevo da sa Federacijom Bosne i Hercegovine potpiše podugovor o zajmu i sredstva obezbjeđenja zajma.

VII

U svrhu redovne otplate zajma, Kanton je saglasan da Federacija, u slučaju neredovnog ispunavanja obaveza po Zajmu, bez upozorenja može dospjele obaveze direktno naplatiti sa računa javnih prihoda, i to iz dijela prihoda koji pripadaju Kantonu Sarajevo.

Kanton se obavezuje da će u svrhu naplate svih potraživanja po ovom zajmu, Federaciji BiH dostaviti bjanko mjenice. Kanton ovlašćuje Federaciju BiH da primljene bjanko mjenice može koristiti za naplatu dospjelog potraživanja.

VIII

U periodu dospijeca obaveza po zajmu potrebno je u budžetu Kantona osigurati sredstva za servisiranje obaveza po zajmu sve do kraja otplate.

U toku implementacije Projekta, u Budžetu Kantona Sarajevo nije potrebno obezbijediti sredstva za sufinansiranje istog.

IX

Implementacija Projekta realizovat će se putem Ministarstva zdravstva Kantona Sarajevo.

X

Za realizaciju ove odluke i izvještavanje po istoj zadužuju se Ministarstvo zdravstva i Ministarstvo finansija, svako u okviru svoje nadležnosti.

XI

Implementacija Sporazuma, iz tačke I ove odluke, ne zahtijeva donošenje novih i/ili izmjenu postojećih propisa.

XII

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-04-37646/20

Predsjedavajući

28. septembra 2020. godine

Skupštine Kantona Sarajevo

Sarajevo

Dr. **Mirza Ćelik**, s. r.

Na osnovu čl. 18. tačka m) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13), člana 8. Zakona o imovini Kantona Sarajevo ("Službene novine Kantona Sarajevo", br. 6/97 i 27/16), člana 23. Zakona o eksproprijaciji ("Službene novine Federacije

BiH", br. 70/07, 36/10, 25/12 i 34/16), Skupština Kantona Sarajevo, na sjednici održanoj dana 28.09.2020. godine, donijela je

ODLUKU**O DAVANJU SAGLASNOSTI ZA ZAKLJUČENJE
UGOVORA O ZAMJENI NEKRETNINA**

I

Daje se saglasnost za zaključenje ugovora o zamjeni zemljišta označenog kao k.č. 323/16, površine 16 m² i k.č. 323/15, površine 78 m², obje k.o. Kobilja Glava (zemljišnoknjižno stanje), kojima po novom premjeru odgovaraju k.č. 323/16 i k.č. 323/15, obje k.o. Kobilja Glava (katastarsko stanje), vlasništvo i posjed Kantona Sarajevo sa dijelom 1/1 za zemljište označeno kao k.č. 323/18, površine 112 m², k.o. Kobilja Glava (zemljišnoknjižno stanje), kojoj po novom premjeru odgovara k.č. 323/18, k.o. Kobilja Glava (katastarsko stanje), vlasništvo i posjed Omerbašić Nurije uz doplatu od strane Kantona Sarajevo na ime razlike u vrijednosti nekretnina.

II

Ovlašćuje se premijer Kantona Sarajevo Mario Nenadić da potpiše ugovor iz tačke I. ove Odluke.

III

Ovlaštenje se daje u svrhu rješavanja imovinsko pravnih odnosa u smislu člana 23. Zakona o eksproprijaciji ("Službene novine Federacije BiH", br. 70/07, 36/10, 25/12 i 34/16) u svrhu izgradnje saobraćajnice I transverzale - tunel Kobilja Glava.

IV

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-04-37648/20

Predsjedavajući

28. septembra 2020. godine

Skupštine Kantona Sarajevo

Sarajevo

Dr. **Mirza Ćelik**, s. r.

Na osnovu čl. 18. stav 1. tačka m) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17), Skupština Kantona Sarajevo, na sjednici održanoj dana 28.09.2020. godine, donijela je

ODLUKU

I

Usvaja se "Bilans energetskih potreba Kantona Sarajevo za 2020. godinu", koji je sastavni dio ove Odluke.

II

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-04-37649/20

Predsjedavajući

28. septembra 2020. godine

Skupštine Kantona Sarajevo

Sarajevo

Dr. **Mirza Ćelik**, s. r.